

plurimis Germaniae locis publico conspectui exposito exemplum, singulari Viscidi in sanguine effectus testimonium. vid. Stalpart vander Wiel Observ. Rarior. part. post. Hist. 35. Unde liquet a primis quasi incububulis morbis homines jam esse obnoxios, crescunt etiam cum aetate non raro, si dispositio pororum profovendo hoc inquinamento adsit; de quibus Gibberosi, & Strumosi nos reddunt certos, Senectus vero cum adrepit, cum divo seni Hippocrate dicere licet: senectus ipsa morbus est.

## §. 15.

Sequuntur jam res sex non-naturales, causas remotis associandae, inter quas Aer primum quasi occupat locum. Hic dupli ratione in Sanguinem noxam inducere potest, sive enim ab aethere nimium exagatus, sive impurior particulis variis heterogeneis inquinatus existat, utroque modo sanguini offendiculum parit. Ubi enim Particulae illae balsamicæ, subtile & summe volatiles praeter modum exaltantur, sanguinem incalescendo exarescunt, moram si habeant, Acescentiam, & ex hac Visciditatem causantur. Si minus moveantur, & a Crassioribus Terrestribus & aquosis statim supprimantur, ad flammulam Corallini nostri liquoris vitalem sufflaminandam aptæ evadunt; hinc respiratio difficilis & Asthma, sequuntur Anxietas praecordialis, Syncope & catarrhus suffocativus; praeter quos affectus, si salino aciores particulæ in aere sint; plures catarrhicum Tussi molestâ, Coryza, raucedo, Hispiditas & alia symptomata graviora, floridam sanguinis crasis turbantia, nascuntur.

## §. 16.

Cibus & Potus uterque ad viscida generandum aptus, & quantitate & qualitate peccant; quantitas ventriculum gravat & fermentale principium obtundit; ut tota moles in vappam concrescat mucosam, & obstrukiones pareat; hinc Chylus nullus preparatur, & Corpori nutrimentam denegatur. Qvod unctuosum itaque Congelamen ad Vias primas ubique depositum, Anorexiā facile, Passiones colicas & Cæliacas, Tenesmentum, flatus, cum his simul Nauseam & fastidium producit. Augetur malum per Alimenta qualitate peccantia, si nimis crassa, macosa, pituitosa & acescentia sint, quæ difficile concoquuntur, aut chylum minus laudabilem dant, inter